



## ADMINISTRACIÓN LOCAL

### MUNICIPAL

#### CEDEIRA

*Bases subvencións deportivas 2021*

**ANUNCIO APROBACIÓN DAS BASES REGULADORAS DA CONVOCATORIA PÚBLICA DE SUBVENCIÓNS DESTINADAS A ENTIDADES E ASOCIACIÓNS DEPORTIVAS DE ÁMBITO MUNICIPAL DE CEDEIRA PARA O ANO 2021.**

Mediante acordo adoptado pola Xunta de Goberno Local o día 04 de maio de 2021 aprobáronse as seguintes bases:

**BASES REGULADORAS DA CONVOCATORIA PÚBLICA DE SUBVENCIÓNS DESTINADAS A ENTIDADES E ASOCIACIÓNS DEPORTIVAS DE ÁMBITO MUNICIPAL DE CEDEIRA PARA O ANO 2021.**

#### **Primeira. Obxecto.**

O obxecto desta convocatoria é a promoción e impulso de actividades deportivas coa finalidade de fomentar un uso activo e creativo do ocio.

As presentes bases terán como finalidade apoiar e mellorar a práctica deportiva dos clubs e entidades deportivas, subvencionando os programas de actividades deportivas a desenvolver eos investimentos realizados, referidos a proxectos de iniciación deportiva, fomento da práctica e competición deportiva; podendo consistir en programas, eventos ou competicións deportivas concretas ou na actividade ordinaria anual do club ou entidade deportiva solicitante.

O Concello poderá excluír da concesión calquera actividade que considere que non serve ás finalidades sinaladas, así como as que promovan, faciliten ou permitan a discriminación de calquera tipo (étnica, social, sexual, ideolóxica, lingüística, etc.) ou sexan incompatibles cos valores de igualdade, libre desenvolvemento da personalidade, laicidade e protección ao medio ambiente.

#### **Segunda. Conceptos subvencionables.**

1. Considéranse gastos subvencionables, en caso de solicitar a subvención para a **realización de actividades**, os seguintes:

- a) Compra de trofeos
- b) Compra de material non inventariable ou funxible cun importe unitario inferior a 100,00 € (balóns, redes, camisetas, etc.) Non serán xustificables os gastos de investimentos.
- c) Gastos de desprazamentos, aluguer de medios de transporte, aloxamento e manutención (hoteis, albergues, etc.) necesarios para a participación en encontros e competicións deportivas. Deberase acreditar suficientemente a relación co evento deportivo na correspondente memoria xustificativa.
- d) Gastos de aluguer de pistas deportivas.
- e) Gastos federativos, mutuas, arbitraxes das competicións, etc. Os gastos derivados da participación habitual en competicións oficiais federadas (arbitraxes, taxas federativas, etc.) que non foran aboados polos deportistas.
- f) Nóminas do persoal técnico e seguridade social, cos requisitos legais.
- g) Gastos do mantemento do club. Os gastos de mantemento e funcionamento da entidade solicitante (telefonía, luz, auga, material de oficina funxible, administración, seguros e outros directamente relacionados coa actividade do club).
- h) Carteis, impresos, pancartas, publicidade de medios de comunicación para a divulgación das actividades e actos da entidade.
- i) Seguros para a práctica e organización deportiva: Responsabilidade civil, accidente deportivo, asistencia sanitaria federativas.

2. Considéranse gastos subvencionables os seguintes, no caso de solicitar a subvención para a **realización de investimentos**:

- a) Compra de material inventariable relacionado directamente coa actividade deportiva cun importe unitario igual ou superior a 100 €.

3. En ningún caso serán subvencionables:

- a) Intereses debedores de contas bancarias.
- b) Sancións administrativas e penais, así como intereses e recargas que se poidan derivar das mesmas.
- c) Gastos de procedementos xudiciais.
- d) Gastos derivados de celebracións gastronómicas particulares das entidades ou asociacións (xantares, comidas, ceas, pinchos, etcétera).
- e) Gastos pola adquisición de bebidas alcohólicas de calquera tipo, así como tabaco ou outros produtos considerados lesivos para a saúde.
- f) Gastos que contraveñan o disposto no artigo 68 do RD 887/2006 e no artigo 29.7-d da Lei xeral de subvencións. Non se terá en conta, na súa totalidade, a factura ou xustificante de gasto que conteña algún destes conceptos. Tampouco serán subvencionables aqueles programas nos que se inclúa algunha das seguintes accións:
  - a) Actividades que promovan ou xustifiquen calquera forma de discriminación por razón de raza, sexo, relixión, ou calquera outra que atente contra os dereitos fundamentais da persoa.
  - b) Aquelas que fomenten ou poidan incitar, directa ou indirectamente, ao uso de drogas, alcol ou tabaco, ou que realicen apoloxía do consumo das mesmas.

#### **Terceira. Requisitos das persoas beneficiarias.**

Poderán solicitar esta subvención todos os clubs e asociacións deportivas de Cedeira que reúnan, no momento de presentar a solicitude de subvención, os seguintes requisitos:

- a) Estar inscrito/a no Rexistro Municipal de Asociacións, coa documentación actualizada ou ter solicitada a actualización.
- b) Estar inscritos/as en Rexistro de Entidades deportivas da Comunidade Galega, coa documentación actualizada ou ter solicitada a actualización.
- c) Será indispensable para optar á subvención ter xustificada a concedida, no seu caso, o ano anterior.
- d) Estar en posesión dun seguro de responsabilidade civil que cubra os danos derivados da actividade do club fronte a terceiros.
- e) Acharse ao corrente no cumprimento das obrigacións tributarias ou fronte á Seguridade Social impostas polas disposicións vixentes, na forma que se determine regulamentariamente.
- f) Non ser sancionado/a mediante resolución firme coa perda da posibilidade de obter subvencións segundo esta lei ou a Lei Xeral Tributaria.
- g) Non estar incurso/a en ningunha das circunstancias a que se refiren os artigos 13.2 da Lei 38/2003, de 17 de novembro xeral de subvencións e 10.2 da Lei 9/2007, de 13 de xuño, de subvencións de Galicia.

#### **Cuarta. Obrigacións das persoas beneficiarias.**

Son obrigacións das persoas beneficiarias as que se sinalan na Lei 38/2003, de 17 de novembro, así como:

- a) Someterse ás actuacións de comprobación da veracidade da documentación presentada, para todos os efectos, así como ás inspeccións e controis que se estimen necesarios para verificar a correcta aplicación da subvención concedida, achegando toda a información que lle sexa requirida no exercicio das devanditas actuacións.
- b) Xustificar a subvención concedida, presentando na sede electrónica os documentos que se establecen nas bases.
- c) En toda a publicidade relativa ao obxecto da subvención deberá figurar que dita actividade ou investimento está subvencionado polo Concello de Cedeira ou cando menos o escudo do Concello.
- d) Comunicar ao Concello de Cedeira a obtención doutras subvencións, axudas, ingresos ou recursos que financien a súa actividade, concedidas con posterioridade á data de presentación da solicitude inicial conforme á base Quinta.
- e) Facilitar toda a información que lle sexa requirida pola Intervención Xeral da Comunidade de Galicia, Tribunal de Contas e o Consello de Contas no exercicio das súas funcións de fiscalización e control do destino das subvencións.

#### **Quinta. Solicitudes.**

O prazo de presentación de solicitudes será de **15 días hábiles a contar dende o día seguinte da publicación do extracto da convocatoria no Boletín Oficial da Provincia**, unha vez publicada a convocatoria na Base de Datos Nacional de Subvencións.

As instancias presentaranse na sede electrónica do Concello de Cedeira (<https://sede.cedeira.es>), de acordo co establecido nos artigos 14 e 16 da Lei 39/2015, do 1 de outubro, do procedemento administrativo común das administracións públicas e formalizaranse mediante o modelo de instancia (Modelo A), e irá acompañado da seguinte documentación:

1. Declaración responsable e solicitude de subvención (Modelo Anexo A) debidamente asinada.
2. Declaración responsable relativa ás circunstancias puntuables (Anexo B).
3. No seu caso, presentación de carteis, circulares aos socios, panfletos, folletos, capturas de páxinas web, etc., referidos ás actividades declaradas no Anexo D que acrediten a utilización da lingua galega.
4. No seu caso, presentación do contrato de aluguer do local da asociación.
5. Proxecto do programa ou actividade que se vai realizar (Anexo D). Debe incluír os seguintes puntos: obxectivos, temporalización, localización, número de posibles persoas beneficiarias, especificación do financiamento propio e orzamento de execución detallado.
6. Fotocopia do DNI/ NIE da persoa solicitante.
7. Fotocopia do CIF da entidade ou asociación.
8. Certificado da composición da xunta directiva.
9. Copia da póliza de responsabilidade civil en vigor acompañada do recibo de pago do ano en curso.
10. Documentos xustificativos da titulación dos/as técnicos/as deportivos/as.
11. Certificado bancario do número de conta onde desexan que se lles ingrese o importe da subvención.

Cando a solicitude non reúna os requisitos establecidos ou non incorpore a documentación esixida, requirirase á entidade interesada mediante calquera medio acreditativo de que se realizou o requirimento para que, nun prazo de 10 días hábiles, emende a falta ou acompañe os documentos preceptivos, con indicación de que, se así non o fixese, terase por desistida da súa petición, procedéndose en consecuencia ao seu arquivo sen máis trámite.

#### Sexta. Criterios de concesión.

O procedemento asignado para a concesión das distintas solicitudes será en réxime de concorrencia competitiva, baixo os principios de publicidade, obxectividade, transparencia e igualdade.

A contía da subvención concederase segundo os puntos que obtivesen en aplicación dos criterios seguintes:

**1.- Deporte base.** Enténdese por deporte base ou escolas deportivas, toda actividade destinada a fomentar o coñecemento do deporte dunha especialidade dada, desde as categorías inferiores ata xuvenís (inclusive).

**Acreditación:** Declaración xurada (Anexo B) asinada **dixitalmente** pola Presidencia ou Secretaría da entidade solicitante, na que se poña de manifesto a existencia de deportistas nados/as nos anos que se indican.

**Puntuación:** A puntuación máxima por este criterio será de 30 puntos.

DEPORTE BASE	PUNTOS
Deportistas nados/as ano 2003	1
Deportistas nados/as ano 2004	1
Deportistas nados/as ano 2005	2
Deportistas nados/as ano 2006	2
Deportistas nados/as ano 2007	2
Deportistas nados/as ano 2008	2
Deportistas nados/as ano 2009	2
Deportistas nados/as ano 2010	2
Deportistas nados/as ano 2011	2
Deportistas nados/as ano 2012	2
Deportistas nados/as ano 2013	2
Deportistas nados/as ano 2014	2
Deportistas nados/as ano 2015	2
Deportistas nados/as ano 2016	2
Deportistas nados/as ano 2017	2
Deportistas nados/as ano 2018	2

**2.- Fomento da participación feminina no deporte.** Valórase a participación feminina nas distintas modalidades deportivas, computando o número de mulleres federadas sobre o total de deportistas federados da entidade solicitante.

**Acreditación:** Declaración xurada (Anexo B) asinada dixitalmente pola Presidencia ou Secretaría da entidade solicitante.

**Puntuación:** A puntuación máxima por este criterio será de 20 puntos.

	PUNTOS
Entre o 5,01% e o 10,00%	3
Entre o 10,01% e o 20,00%	5
Entre o 20,01% e o 30,00%	10
Entre o 30,01% e o 40,00%	15
Máis do 40,00%	20

**3.- Organización de actividades, torneos, eventos, etc.** Puntuarán neste apartado os eventos deportivos en xeral que se realicen no termo municipal durante o 2021, sendo indiferente que sexan eventos deportivos federados ou non e con independencia das categorías participantes (benxamín, cadetes, etc.), tanto feminina como masculina e da súa duración nun ou varios días (exemplos: actividades durante as festas patronais, semana deportiva, etc.).

**Acreditación:** Anexo D acompañado da presentación de carteis, anuncios, folletos, panfletos, publicidade nas páxinas web.

**Puntuación:** 1 punto por actividade realizada, cunha puntuación máxima 10 puntos.

**4.- Antigüidade do club** (segundo a data de constitución do club ou asociación).

**Acreditación:** Mediante a presentación do CIF, onde se recolle a data de constitución.

**Puntuación:** A puntuación máxima 6 puntos.

Nº anos antigüidade do Club	PUNTOS
Ata 5 anos	2
Máis de 5e ata 10 anos	4
Máis de 10 anos	6

**5.- Número de deportistas que compoñen o club ou entidade deportiva.** Valórase o número de deportistas federados que conforman o club na data de presentación da solicitude da subvención, independentemente das súas categorías.

**Acreditación:** Declaración xurada (Anexo B) asinada dixitalmente pola Presidencia ou Secretaría da entidade solicitante.

**Puntuación:** A puntuación máxima 30 puntos.

Nº de deportistas	PUNTOS
De 10 a 20	5
De 21 a 40	10
De 41 a 60	15
De 61 a 80	20
De 81 a 100	25
Máis de 100	30

**6.- Número de técnicos deportivos titulados e acreditados.** Enténdese por adestradora a aquela persoa que teña o club ou entidade deportiva solicitante para preparar ao equipo na práctica da actividade deportiva correspondente. Esta persoa deberá dispor do título en vigor que lle faculte para iso.

**Acreditación:** Copia dos títulos das persoas que desempeñen as actividades de adestradoras.

**Puntuación:** A puntuación será en función do territorio que habilite para o desempeño da función de adestrar, a puntuación máxima 20 puntos.

Habilitación dos títulos	PUNTOS
Nacional	5
Autonómico ou Rexional	3
Provincial	2

**7.- Menor importe da cota mensual.** A determinación da puntuación farase atendendo ao importe anual de ingresos polas cotas emitidas entre o número de deportistas dividido entre 12 mensualidades.

**Acreditación:** Declaración xurada (Anexo B) asinada dixitalmente pola Presidencia ou Secretaría da entidade solicitante.

**Puntuación:** A puntuación máxima 25 puntos.

	PUNTOS
Entre 0,00 e 10,00 euros	25
Entre 10,01 e 20,00 euros	20
Entre 20,01 e 35,00 euros	15
Entre 35,01 e 50,00 euros	10
Mais de 50,00 euros	0

**8.- Emprego da lingua galega** na difusión e propaganda de todas as actividades ás que se refire o apartado 3 da cláusula cuarta: eventos deportivos en xeral que se realicen no termo municipal durante o 2021 comprendidos no anexo D acompañada da presentación de carteis, anuncios, folletos, panfletos, publicidade nas páxinas web.

**Acreditación:** Mediante a presentación de carteis, anuncios, folletos, panfletos, capturas páxinas web, circulares cos socios relativos as actividades realizadas polo club. 5 puntos.

**9. Compromiso de colaborar coa Concellería de Servizos Sociais para que ningún menor en risco de exclusión social quede fóra dos clubs ou entidades deportivas por razóns económicas.**

**Acreditación:** Esixirase informe de Servizos Sociais acreditativo de que ningunha das asociacións se negaran a colaborar con esta concellería para a práctica deportiva dos/as menores en que se acredite unha situación económica negativa para facer fronte os devanditos pagos. 20 puntos.

#### **Sexta. Comisión Avaliadora, Concesión e Seguimento das Bolsas.**

Nomearase unha Comisión de Valoración que impulsará de oficio a realización de cantas actuacións sexan necesarias para a determinación, coñecemento e comprobación dos datos en virtude das que se formulará a proposta de resolución.

A Comisión de valoración estará composta por:

- Presidencia: a persoa titular da Concellería de Deportes ou persoa en quen delegue
- Vocais:
  - a persoa titular da praza de administrativo de Intervención
  - a persoa titular da Intervención Municipal participará na Comisión de valoración con voz e sen voto.
- Secretaría: unha administrativa dos Servizos económicos do Concello, en primeiro lugar, a de maior antigüidade, e en caso de imposibilidade ou incompatibilidade, a seguinte pola mesma orde.

Á vista da documentación que consta no expediente, e logo da valoración das solicitudes de conformidade cos criterios establecidos, a Comisión de valoración formulará un informe proposta de resolución de concesión provisional, debidamente motivado, que deberá expresar o/a solicitante ou a relación de solicitantes que cumpran os requisitos da convocatoria para os/as que propón a concesión da subvención e a súa contía, así como as solicitudes desestimadas, as desistidas e as non admitidas a trámite.

A Xunta de Goberno Local acordará a concesión ou denegación das subvencións, a proposta da Comisión de Valoración e previo informe de fiscalización pola Intervención municipal. A concesión deberá ser notificada ás persoas beneficiarias.

Contra o acordo que se adopte cabe interpoñer recurso de reposición no prazo dun mes ante a Xunta de Goberno Local, ou ser impugnado directamente ante a Orde Xurisdiccional Contencioso-administrativa no prazo de dous meses a contar dende o día seguinte a recepción da notificación da resolución.

**Sétima. Crédito Orzamentario e importe das bolsas.**

As subvencións faranse efectivas con cargo as seguintes aplicacións do orzamento municipal do Concello de Cedeira para o exercicio 2021:

- 341.489.00 por importe de 30.000,00 euros para actividades deportivas. A contía máxima da subvención para cada entidade beneficiaria será de 7.000 euros.
- 341.789.00 por importe de 6.000,00 euros para investimentos que realicen as entidades.

A subvención será outorgada a todas as entidades beneficiarias, que reúnan os requisitos, rateándose a contía total máxima fixada na convocatoria dentro do crédito dispoñible, por orde de puntuación.

En caso de que o importe asignado a algunha das asociacións, segundo os criterios de valoración, supere o total solicitado pola mesma, adjudicarase o importe solicitado, eo exceso, volverase a repartir entre as demais asociacións concorrentes tendo en conta as puntuacións obtidas.

Para obter a subvención deberá acadarse un mínimo de 40 puntos entre os criterios de avaliación do punto quinto.

**Novena. Réxime de compatibilidade.**

As subvencións concedidas serán compatibles con outras subvencións, axudas ou ingresos procedentes de calquera outra administración e que teñan a mesma finalidade, sempre que a totalidade das axudas non supere o custo das actividades.

As entidades ou asociacións que reciban subvención están obrigadas a facilitar os datos que lles sexan solicitados polo Concello.

As entidades ou asociacións que teñan un convenio co Concello ou unha subvención nominativa do mesmo, así como as comisións de festas e as entidades, as entidades ou asociacións socioculturais non poderán participar nesta convocatoria.

**Décima. Prazo e forma de xustificación.**

O orzamento a xustificar será o importe total da subvención concedida. A data límite para executar a subvención outorgada será o 15 de novembro de 2021. O lapso temporal ao que deben referirse os gastos xustificadas, incluíndo o pagamento, é o comprendido entre o 1 de xaneiro e o 15 de novembro de 2021.

O prazo de xustificación remata o 30 de novembro de 2021 e dita xustificación realizarase mediante a presentación na sede electrónica (<https://sede.cedeira.es>) da documentación sinalada a continuación (modelo Anexo E) no Rexistro do Concello asinada dixitalmente:

- Memoria da realización do programa ou actividade.
- Relación dos gastos subvencionados e os ingresos obtidos para financeiros.
- Facturas orixinais ou copias compulsadas, que deberán cumprir os seguintes requisitos:
  - o Os conceptos expresados nos xustificantes de gasto deberán ser obrigatoriamente os que foron motivo de subvención.
  - o A forma e o contido deberán respectar a normativa vixente.
  - o A entidade beneficiaria deberá figurar como destinataria da factura.
- Xustificantes bancarios do pagamento das facturas. Só se admitirán pagamentos en efectivo cando o importe da factura sexa inferior a 100,00 euros e sen que poida ser obxecto de fraccionamento.
- Declaración doutras axudas ou subvencións públicas para financiar as mesmas actividades con indicación de importe (Anexo E).
- Declaración asinada polo responsable da entidade beneficiaria de que a subvención se destinou ós mesmos fins para os que foi solicitada e concedida (Anexo E).
- Declaración responsable ou, no caso de que o importe da subvención supere os 3.000,00 €, certificados de estar ao corrente no cumprimento das obrigas tributarias e coa seguridade social.
- Documentación gráfica da actividade onde conste a colaboración do Concello de Cedeira. No caso de que os eventos subvencionados fosen executados con anterioridade á publicación destas bases, o cumprimento da obriga de difusión pública considerase cumprida mediante anuncio nun diario ou periódico no que se informe publicamente da subvención do concello e das actividades subvencionadas.

**Undécima. Documentación e pago.**

O pagamento da subvención farase mediante transferencia ao número IBAN achegado.

**Duodécima. Fiscalización.**

O Concello de Cedeira resérvase o dereito de realizar un seguimento das actividades subvencionadas con estas axudas, podendo esixir á entidade deportiva unha explicación detallada e documental dos gastos presentados. Tamén poderá anular calquera subvención concedida cando ao seu xuízo, exista incumprimento dos requisitos necesarios para obtención da subvención.

**Décimo terceira. Infraccións, sancións e reintegro.**

O incumprimento dalgunha das bases previstas poderá implicar a obriga do reintegro parcial ou total dos fondos percibidos, así como o pagamento dos xuros de mora que se perciban dende o día no que se realizou o pagamento ata o momento no que se acorde a procedencia de reintegro. O procedemento de reintegro realizarase de oficio e na súa tramitación seguirase o disposto nos artigos 41 e seguintes da Lei 38/2003 de 17 de novembro, Xeral de subvencións e nos artigos 91 e seguintes do seu Regulamento (Real Decreto 887/2006, do 21 de xullo), para o que se lle dará en todo caso audiencia ao interesado.

En todo caso o incumprimento das obrigas de colaboración coa Concillería de Servizos Sociais considerase infracción grave, segundo o disposto no artigo 57 da Lei Xeral de Subvencións.

O procedemento de reintegro axustarase ao establecido nos artigos 41 e seguintes de Lei 38/2003 Xeral de Subvencións.

**Disposición final.**

No que non ven previsto na presente Convocatoria será de aplicación o disposto na Lei 38/2003, de 17 de novembro, Xeral de Subvencións, Lei 9/2007, de 13 de xuño, de subvencións de Galicia, R.D. 887/2006 de 21 de xullo polo que se aproba o Regulamento da Lei 38/2003, de 17 de novembro, Xeral de Subvencións, a Lei 39/2015 do 1 de outubro, do procedemento administrativo común das Administracións Públicas, así como a lei 19/2003 de 9 decembro, de Transparencia, acceso a información pública e bo goberno.

**DOCUMENTACIÓN PARA A SOLICITUDE DA SUBVENCIÓN****MODELO ANEXO A****SOLICITUDE PARA PARTICIPAR NA SUBVENCIÓN PARA CLUBES E ENTIDADES DEPORTIVAS DE CEDEIRA****EXERCICIO / PERIODO**      2021**DATOS DA ASOCIACIÓN/CLUB SOLICITANTE**

Nome ou razón social			
CIF			
Dirección para efectos de notificación			
CP		Localidade	

**DATOS DA PERSOA REPRESENTANTE DA ASOCIACIÓN/CLUB**

Nome e apelidos			
DNI			
Dirección para efectos de notificación			
CP		Localidade	
Cargo que representa na entidade			

**DOCUMENTACIÓN APORTADA**

- Fotocopia do CIF da entidade
- Certificado da composición actual da xunta directiva con indicación de datos e cargo que ocupan
- Fotocopia do DNI do asinante das declaracións (Presidente/a ou Secretario/a)
- Memoria descritiva (Modelo Anexo D)
- Copia da póliza de Responsabilidade Civil en vigor, e xustificante de pago exercicio actual
- Acreditación estar ao corrente coEstado, coa Xunta de Galicia e coa Seguridade Social
  - Certificado bancario do número de conta onde desexan que se lles ingrese o importe da subvención



**DECLARACIÓN RESPONSABLE**

En relación coas bases reguladoras das subvencións para actividades destinadas a clubs e entidades deportivas inscritas no rexistro municipal de asociacións do Concello de Cedeira, ano 2021, declaro responsablemente que a entidade á que represento cumpre cos requisitos establecidos nas bases reguladoras da presente convocatoria de subvencións e, en particular:

- Que se atopa ao corrente nas súas obrigas co Estado, coa Xunta de Galicia e coa Seguridade Social (sempre e cando o importe solicitado da subvención non supere os 3.000,00€, que sería necesario o certificado).
- Que non ten pendente de xustificar subvencións concedidas polo Concello de Cedeira
- Que non está sancionado mediante resolución firme coa perda da posibilidade de obter subvencións segundo a Lei de Subvención ou a Lei Xeral Tributaria.
- Que non está incurso en ningunha das circunstancias a que se refiren os artigos 13.2 da Lei 38/2003, de 17 de novembro, xeral de subvencións e 10.2 da Lei 9/2007, de 13 de xuño, de subvencións de Galicia.
- Que está en posesión de un seguro de responsabilidade civil que cubra os danos derivados da actividade da asociación fronte a terceiros.
- Que se atopa inscrita no Rexistro de Asociacións da Comunidade Autónoma de Galicia  
O número de rexistro é:
- Que acepto as actuacións de comprobación e seguimento que poida levar a cabo o concello.
- Autorizo para os efectos da Lei orgánica 15/1999, de protección de datos de carácter persoal, ao Concello de Cedeira a incorporar estes datos, ou aqueles outros dos que tiver coñecemento como consecuencia da relación iniciada, a un ficheiro automatizado que ten por finalidade dar cumprimento ás funcións que debe realizar dentro do proceso de trámite, xestión, concesión e pagamento encomendadas pola Lei 38/2003, xeral de subvención, así como para a xestión doutros servizos ou programas de iniciativa municipal do seu posible interese
- Manifesto o meu coñecemento de que os datos proporcionados poden resultar obrigatorios para a xestión do expediente e que a unidade tramitadora, en tanto non comunique o contrario, entenderá que son exactos e actuais.
- Comprométome a comunicar ao Concello de Cedeira, no menor prazo de tempo posible, calquera variación dos datos proporcionados co fin de proceder á súa actualización
- Coñezo as responsabilidades legais que poden derivarse de incorrer en falsidade en documentos administrativos e, en particular, a esixencia do reintegro da subvención, mais os intereses de demora correspondentes, sen prexuízo da tramitación do correspondente expediente.

Ten solicitada/ concedida **outra subvención** para a mesma finalidade por un importe de \_\_\_\_\_ á entidade \_\_\_\_\_ e o importe da subvención recibida polo Concello, xunto con outras percibidas non superará o importe total de gastos.

- Que non ten solicitada/concedida ningunha subvención ou axuda pública ou privada para a mesma finalidade.

Asinado dixitalmente

Data

**MODELO ANEXO B****IMPORTE TOTAL SOLICITADO PARA A SUBVENCIÓN**

€

D./ D<sup>a</sup>. \_\_\_\_\_, en calidade de \_\_\_\_\_  
 da asociación/ entidade \_\_\_\_\_ declaro responsablemente,  
 en relación aos criterios de avaliación expostos na base 4<sup>o</sup> (Só riscar en caso afirmativo):

- Que me comprometo a colaborar coas actividades e eventos que desenvolva o Concello
- Que emprega o uso da lingua galega no desenvolvemento das actividades para as que vai servir a subvención solicitada e aos efectos acompañados documentación xustificativa consistente en: \_\_\_\_\_
- Que as actividades desenvolvidas para as que se solicita a subvención van encamiñadas á inclusión social do xeito que se desenvolve no anexo D.

**DECLARO RESPONSABLEMENTE A VERACIDADE DOS SEGUNTES DATOS AOS EFECTOS DA SÚA AVALIACIÓN:**

DEPORTE BASE	SI / NO
Deportistas nados/as ano 2003	1
Deportistas nados/as ano 2004	1
Deportistas nados/as ano 2005	2
Deportistas nados/as ano 2006	2
Deportistas nados/as ano 2007	2
Deportistas nados/as ano 2008	2
Deportistas nados/as ano 2009	2
Deportistas nados/as ano 2010	2
Deportistas nados/as ano 2011	2
Deportistas nados/as ano 2012	2
Deportistas nados/as ano 2013	2
Deportistas nados/as ano 2014	2
Deportistas nados/as ano 2015	2
Deportistas nados/as ano 2016	2
Deportistas nados/as ano 2017	2
Deportistas nados/as ano 2018	2

**INFORMACIÓN DEPORTISTAS**

Nº. TOTAL FEDERADOS/ AS

Nº. MULLERES FEDERADAS

Nº. HOMES FEDERADOS

**Nº. SOCIOS/ AS DO CLUB****IMPORTE TOTAL RECAUDADO CUOTAS**

€

- Declaro, que conto con deportistas menores de idade e comprométome a colaborar coa Concellería de Servizos Sociais

**DATA DE CONSTITUCIÓN DA ASOCIACIÓN**

Asinado dixitalmente

Data

**MODELO ANEXO C (PARA INVERSIONES)**

Nome Asociación			
CIF			
Denominación do proxecto			

**DESCRIPCIÓN DO INVERSIÓN**

\*sen perxuízo de que para a xustificación poidan engadirse outros a maiores que cumpran cos requisitos sinalados nas presentes bases


**Finalidade que atende/ utilidade do investimento/ rendemento que se pretende obter co investimento**

--

**Beneficiarios/as do investimento**

--

**Desenvolvemento de programas e actividades encamiñadas á inclusión social**

--

**Outros detalles necesarios para coñecer o alcance do investimento e a xustificación da súa utilidade pública e da relación coa actividade da asociación ou entidade.**

--

**Orzamento dos investimentos**

Denominación	Custo previsto	Ingreso previsto	Procedencia do ingreso
	€	€	
	€	€	
	€	€	
	€	€	

Asinado dixitalmente

Data

**MODELO ANEXO D (PARA ACTIVIDADES)**

Nome Asociación		
CIF		
Denominación do proxecto		

**Datas de celebración das actividades para as que se solicita a subvención\***sen perxuízo de que para a xustificación poidan engadirse outras a maiores que cumpran cos requisitos sinalados nas presentes bases

DENOMINACIÓN DA ACTIVIDADE	DATAS CELEBRACIÓN	LOCALIZACIÓN

**RESUMO DO PROXECTO**

**Obxectivo das actividades**

**Número posible de persoas beneficiarias**

Orzamento das actividades

Denominación da actividade	Custo previsto	Ingreso previsto	Procedencia do ingreso
	€	€	
	€	€	
	€	€	
	€	€	

**Actividades de inclusión social**

Asinado dixitalmente

Data

**DOCUMENTACIÓN PARA A XUSTIFICACIÓN DO IMPORTE SUBVENCIONADO**

**MODELO ANEXO E**

D. /D<sup>a</sup>

Cargo que representa na entidade

- Declaro baixo a miña responsabilidade que os gastos efectuados pola asociación e que serven de xustificación para a subvención concedida polo Concello de Cedeira son os seguintes:

Data	Nº Factura	Provedor	CIF	Concepto	Importe

- Declaro baixo a miña responsabilidade que os ingresos obtidos pola asociación e que serven de xustificación para a subvención concedida polo Concello de Cedeira son os seguintes:

NOME DA ENTIDADE	IMPORTE

**DOCUMENTACIÓN APORTADA**

- Memoria da realización do programa da actividade ou do investimento realizado (poderán engadirse outras actividades ou investimentos non incluídos na solicitude da subvención, sempre que cumbran cos requisitos sinalados nas presentes bases).
- Facturas orixinais ou copias compulsadas
- Xustificantes bancarios do pagamento das facturas. Só se admitirán pagamentos en efectivo cando o importe da factura sexa inferior a 100,00 euros e sen que poida ser obxecto de fraccionamento.
- Documentación gráfica da actividade onde conste a colaboración do Concello de Cedeira.

### DECLARACIÓN RESPONSABLE

En relación coas bases reguladoras das subvención para actividades destinadas a asociacións e entidades deportivas inscritas no rexistro municipal de asociacións do Concello de Cedeira, ano 2021, declaro responsablemente que a entidade á que represento cumpre cos requisitos establecidos nas bases reguladoras da presente convocatoria de subvencións e, en particular:

- Que se atopa ao corrente nas súas obrigas co Estado, coa Xunta de Galicia e coa Seguridade Social (sempre e cando o importe solicitado da subvención non supere os 3.000,00 €, que sería necesario o certificado).
- Que non ten pendente de xustificar subvencións concedidas polo Concello de Cedeira.
- Que a subvención se destinou ós mesmos fins para os que foi solicitada e concedida.

Asinado dixitalmenteData

---

Cedeira, 05 de maio de 2021

O alcalde

Asinado.- Pablo Diego Moreda Gil

2021/3865